

Na osnovu člana 96. Zakona o visokom obrazovanju - prečišćeni tekst („Službene novine Kantona Sarajevo“, broj: 42/13), a u vezi sa Odlukom Senata Internacionalnog univerziteta u Sarajevu, broj: IUS-SENAT 11-1650/2015 od 17.06.2015. godine, Internacionalni univerzitet u Sarajevu, raspisuje:

K O N K U R S
za izbor u naučnonastavna/umjetničkonastavna zvanja

Izbor kandidata (akademskog osoblja) vršit će se u naučnonastavna/umjetničkonastavna zvanja za sljedeće naučne/umjetničke oblasti:

FAKULTET PRIRODNIH I TEHNIČKIH NAUKA

| Redni broj | Naučna oblast | Nastavnik (docent, vanredni profesor, redovni profesor) | Saradnik (Viši asistent) |
|------------|----------------|--|-----------------------------|
| 1. | Biološke nauke | 1 ¹⁾ | - |
| 2. | Mašinstvo | 1 ²⁾ | - |
| 3. | Arhitektura | - | 1 ³⁾ |

¹⁾ U okviru izbora nastavnog osoblja na naučnu oblast “Biološke nauke”, prednost imaju kandidati sa akademskim iskustvom i značajnim naučnim rezultatima u oblasti Poljoprivredne hemije/biohemije.

²⁾ U okviru izbora nastavnog osoblja na naučnu oblast “Mašinstvo”, prednost imaju kandidati sa akademskim iskustvom i značajnim naučnim rezultatima u oblasti Računalne dinamike fluida;

³⁾ U okviru izbora saradničkog osoblja na naučnu oblast “Arhitektura”, prednost imaju kandidati sa završenim III ciklusom studija i akademskim iskustvom u oblasti Historije umjetnosti i arhitekture;

FAKULTET PRIRODNIH I TEHNIČKIH NAUKA

| Redni broj | Umjetnička oblast | Nastavnik (docent, vanredni profesor, redovni profesor) |
|------------|-------------------|--|
| 4. | Arhitektura | 1 ⁴⁾ |

⁴⁾ U okviru izbora nastavnog osoblja na umjetničku oblast “Arhitektura”, prednost imaju kandidati sa akademskim iskustvom i rezultatima u oblasti Savremenog urbanističkog planiranja.

FAKULTET MENADŽMENTA I JAVNE UPRAVE

| Redni broj | Naučna oblast | Nastavnik (docent, vanredni profesor, redovni profesor) |
|------------|---------------|--|
| 1. | Menadžment | 1 ⁵⁾ |
| 2. | Ekonomija | 1 ⁶⁾ |
| 3. | Finansije | 1 ⁷⁾ |

⁵⁾ U okviru izbora nastavnog osoblja na naučnu oblast “Menadžment”, prednost imaju kandidati sa akademskim iskustvom i značajnim naučnim rezultatima u oblasti ravnopravnosti polova u multietničkoj Evropi.

⁶⁾ U okviru izbora nastavnog osoblja na naučnu oblast “Ekonomija”, prednost imaju kandidati sa akademskim iskustvom i značajnim naučnim rezultatima u oblasti fiskalnih politika i tržišta kapitala u odnosu na savremenu Tursku.

⁷⁾ U okviru izbora nastavnog osoblja na naučnu oblast “Finansije”, prednost imaju kandidati sa akademskim iskustvom i značajnim naučnim rezultatima u oblasti rada organa javne uprave i analize ekonomskih indikatora Zapadnog Balkana.

Uslovi: Kandidati za izbor u naučnonastavna/umjetničkonastavna zvanja, pored općih uslova propisanih Zakonom o radu, minimalnih uslova za izbor u naučnonastavna/umjetničkonastavna zvanja propisanih članovima 89. i 90. Zakona o visokom obrazovanju - prečišćeni tekst („Službene novine Kantona Sarajevo“, broj: 42/13) i općim aktima IUS-a, trebaju vladati engleskim jezikom u pismu i govoru.

Sa kandidatima koji budu izabrani u akademska zvanja, IUS zaključuje ugovor na period za koji su izabrani u zvanje, uz probni rad u trajanju od šest mjeseci. Za vrijeme probnog rada kandidat se obavezno evaluira od strane matičnog odsjeka odnosno fakulteta. Negativna ocjena kandidata u toku probnog rada smatra se raskidnim uvjetom u pogledu važenja ugovora o radu.

Kandidati strani državljanji zaključuju ugovor o radu na određeno vrijeme, u skladu sa odredbama Zakona o zapošljavanju stanaca.

Kandidati uz prijavu na konkurs obavezno prilažu slijedeće:

1. Biografiju / Curriculum Vitae sa bibliografijom;
2. Diplomu ili uvjerenje o diplomiranju o stečenom odgovarajućem stepenu obrazovanja u relevantnoj naučnoj oblasti;
3. Rješenje o priznavanju diplome ili potvrda da je pokrenut proces priznavanja diplome (za kandidate koji su diplomu stekli u inostranstvu)⁵⁾;
4. Objavljene naučne radove, uz obaveznu naznaku publikacija u kojoj su radovi objavljeni i relevantne baze podataka u kojoj su radovi citirani odnosno uz potvrdu o pozitivnoj recenziji od strane najmanje dva recenzenta;
5. Objavljene knjige relevantne za izbor u akademsko zvanje;
6. Dokaze o ispunjavanju uvjeta za izbor u naučnonastavno/umjetničkonastavno zvanje za koje se prijavljuju;
7. Dokument kojim se dokazuje izbor u prethodno akademsko zvanje (ukoliko je izvršen izbor);
8. Odluka o imenovanju za mentora kod izrade doktorskih disertacija i magistarskih radova, odnosno drugi odgovarajući dokument kojim se dokazuje uspješno mentorstvo;
9. Potvrdu visokoškolske ustanove o uspješnom izvođenju nastave na engleskom jeziku (za kandidate koji su ranije samostalno izvodili nastavu) ili dokaz o poznavanju engleskog jezika⁶⁾;
10. Uvjerenje o državljanstvu (ne starije od 6 mjeseci) za kandidate koji su državljani Bosne i Hercegovine, odnosno ovjerenu kopiju prve stranice pasoša za kandidate koji nisu državljani Bosne i Hercegovine.

⁵⁾ Izabrani kandidat obavezan je dostaviti rješenje o priznavanju diplome prije zaključenja ugovora o radu odnosno prije predaje zahtjeva za izdavanje radne dozvole.

⁶⁾ Nije potrebno za kandidate kojima je engleski jezik maternji, odnosno koji su stekli diplomu na visokoškolskim ustanovama na kojima se nastava odvija na engleskom jeziku.

Dokumenti se dostavljaju u originalu ili ovjerenoj kopiji originala. Iznimno, ukoliko kandidat iz opravdanih i lično naznačenih razloga priloži samo kopije potrebnih dokumenata, dokumentacija će se uvjetno prihvatiti uz obavezu kandidata da originale ili ovjerene kopije originala dokumenta dostavi najkasnije do datuma donošenja odluke o izboru odnosno zaključenja ugovora o radu. U suprotnom, procedura izbora će se rješenjem Senata poništiti.

Kandidati su obavezni u prijavi naznačiti jedno od zvanja za koje se prijavljuju, u suprotnom takva prijava će se smatrati neurednom i neće biti razmatrana.

Konkurs ostaje otvoren osam dana od dana objavljivanja.

Prijave sa potrebnim dokumentima sa naznakom „PRIJAVA ZA KONKURS ZA IZBOR U AKADEMSKA ZVANJA, NE OTVARAJ - OTVARA KOMISIJA“, te naznakom fakulteta i naučne oblasti za koju se kandidat prijavljuje dostaviti lično ili preporučenom poštom u zatvorenoj koverti na adresu: Internacionalni univerzitet u Sarajevu, Hrasnička cesta 15, 71 210 Ilidža, Sarajevo.

Nepotpune i neblagovremene prijave se neće uzimati u razmatranje.

Konkursna dokumentacija se neće vraćati.

REKTOR

Prof. Dr. Yücel Oğurlu